

Premio “Cultural Playa Pabou 2006” otorga na Leonido “Lucio” Rivadeneira



Potret di Lucio su dia di ricibimento. Entre e muchanan para den grupo por mira rechts abou potret di nos director, Sr. John Chemaly Sr.

aki tabata bou direccion di Lody Rodriguez (d.f.m.), e tabata bon conoci como e “One Man Band”. Sr. Lody tabata toca bass-drum, drums high-head, ukele (cuarta), sinfonia di boca y maraca su so. Sr. Lody tambe tabata tin un yiu cu tabata bon amigo di Lucio y nan dos tabata sinta wak e conhuntito toca. Nan tabata sinti hunto pafo di e cas y traha nan mesun instrumentonan manera boca di boter cu papel di selofan, bleki di lechi Klim, peña cu papel di selofan etc. Nan tabata haci uzo di nan fantasia grandi cu nan tabata tin pa asina toca pafo di cura ora e conhuntito tabata practica.

Lucio a bishita St. Dominicus College caminda e tabata



Momento cu Lucio a haya oportunidad di conoce Su Mahestad Reina Beatrix na 1980, durante La Reina su prome bishita na Aruba y momento cu el a ser reconoci cu un medaya di plata pa su labor musical.

ORANJESTAD - Leonido “Lucio” Rivadeneira ta un otro gran musico specialmente conoci riba e tereno di saxofoon y instrumentonan di blas en general. Lucio a lanta den e bario di Socotoro, y einan su amor pa musica tambe a crece.

Dia 22 di april 1942 Socotoro tabata di fiesta paso e famia Rivadeneira a duna bon bini na un miembro mas di famia. Su mayornan a dune e nomber Leonido Rivadeneira den comunidad miho conoci como ‘Lucio’. Lucio lanta, biba y studia den Socotoro. Y den bario mes el a conoce su señora Victoria Zambrano.

Nan dos a forma un bunita famia y di e amor ei a nace dos yiu muhe cual ta Lisandra y Vivienne. Nan tur a lanta cu musica den nan oreo como cu semper nan tata, Lucio, a keda hopi activo den musica. Pa straño cu e por zona ni Lisandra ni Vivienne no ta toca ningun instrumento di blas (blaasinstrument). Tur dos ta toca cuarta y un poco piano pero mas tanto nan a keda den e parti di cantamento.

Lucio su amor di musica a cuminsa masha spontaneo den bario. Lucio tabata biba banda di cas caminda e conhuntito Caribbean Boys tabata practica. E conhuntito



Potret di recuerdo caminda Lucio a participa den un obra di teatro hunto cu otro muchanan di e grupo De Trupialen.

haya les di Frere. Lucio no ta lubida nunca na januari 1953 cu e ta sinta den klas y Frere Alexius a manda pidi di cada klas e estudiante cu ta canta miho. Asina Lucio a forma parti di “De Trupialen”. Na scol mes Lucio a tuma parti di diferente musical cual e prome tabata e famoso storia di mucha, ‘Hans en Grietjes’. Den klas 6 Lucio a cuminsa haya les di Frere Pedro kende a siña Lucio hopi cos manera toca segun nota, canta y ei el a sera conoci cu bugel cual ta un otro tipo di trompet. Asina Lucio a cuminsa toca y anima na fiestanan di famia. E prome conhuntito cu Lucio a tuma parti di dje ta ‘Los Principes’, entre nan nos a haya Romo Fingal, Harry Rodriguez, Angel (Mono) Monart, Herman Stephens, Joy Kock, Jose Barios, Ismael ‘Zogo’ Orman, Norman

Hart, Ro Agumbero, Henk Braafhart, Eddy Toppenberg, Eric Escalona.

Despues di a alcanza su diploma di MULO-A Lucio a bai traha na dos emisora comercial. Despues di esei Lucio a traha 30 aña den Gobierno. Su deseo semper tabata pa studia musica profesionalmente. Maske Lucio no a logra esei, el a bai hopi curso tanto local como internacional. El a atende e cursonan di ADAYMA cual awor tin e nomber di ASOMA. Hasta caha di orgel Lucio a toca y claba. Na juli 1976 Lucio a bai Berklee College of Music pa asina atende un zomer-cursus. Como semper Lucio kier a studia docente di musica el a bai un curso relacion cu pedagogia duna pa Drs. Frank Zaandam. Pesei awendia Lucio ta yama su

mes autodidactico, el a yuda su mes bai dilanti studia y trahando y asina ganando hopi experiencia y sabiduria. Algun otro grupo cu Lucio a participa tambe den dje ta Playa Sextette, Bali Bar Quartet, Vibracion Musical 76, La ReEncarnacion, Sensacional Musical etc. Tambe Lucio a yudo hopi cu orkestanan pa OTI y tambe na yuda muchanan di scol na nan participacion den Voz-I-Landia Escolar.

Na aña 1996 Lucio a cuminsa duna les part-

time na Arubaanse Muziek School (AMS) cual awendia tin e nomber Scol di musica Rufo Wever. Despues di mas o menos un aña trahando na AMS el a haya un miho oferta cerca FDEC, Fundacion Desaroyo Educativo Comunitario, el pasa over den e fundacion ei. Actualmente Lucio ta dunando les di blokfluit, clarinet y saxofon ainda na FDEC. Tur final di aña escolar cu ta caba na juli Lucio ta tuma parti den e conciertonan di FDEC.

Merecidamente Lucio a haya diferente reconocimiento. E prome tabata na aña 1980 na e ocasion di e prome bishita di Reina Beatrix. Lucio a wordo reconoci cu medaya di plata pa e hecho di a prepara y dirigi e orkestra tocando ‘Wilhelmus’, Antilliaanse volkslied y Arubaanse volkslied. Unreconocimiento cu tampoco Lucio lo lubida ta na november 1989 caminda Lucio a haya un Certificado otorga dor di e tempo aya Ministro pa Asuntunan di Cultura Sr. Freddy’s Rufunjol. E certificado aki tabata den celebracion di 20 aña di ‘Festival di tur Festivalnan’ y ‘Festival di Ganadonan’. Actualmente Lucio ta sigui toca na diferente ocasion di fiesta, bruid, festival y tambe aubade ora di ocasionnan oficial. Tambe Lucio ta trahando duro riba un disco compacto pa subi riba mercado.

Lucio, un autodidactico cu a logra hopi dor di perseverancia y amor pa musica y comunidad. Lucio su logro y trabounan pa comunidad ta un ehempel pa comunidad. Cu permiso di autornan: Gilienne Garcia, Maureen Luidens y Mileischka Vlaun.



Lucio dumando les na muchanan cu ta participa den e proyecto di Fundacion Desaroyo Educativo Comunitario. Spesificamente, esaki tabata na scol Colegio Pastor Kraamwinkel.



Potret di Lucio hunto cu e agrupacion ‘Playa Sextette’. Lucio ta prome na banda robes.

